

奢摩他室曲丛

奢摩他室曲丛

耆摩他室曲鼓

雜劇之屬
誠齋樂府

小桃

卷五

據宣德憲藩本校印

上海涵芬樓印行

惠禪師三度小桃紅全賓

〔扮辟支佛隊子上〕〔隊舞住開云〕今有飛仙會中一聖。爲聞天魔音樂。迷却正道。蒙佛法旨。要選一僧下界度他。我等舉保惠禪師去度托他去。今往佛所告稟知會。便索差他去也。〔衆下〕〔正末扮惠禪師上開云〕老僧乃是靈山會上惠禪師。今蒙法旨。爲因飛仙會中二聖。在靈山會上。聞天魔音樂業緣所感。化成一男一女。降生人間揚州江都縣。花門柳巷。成其姻眷。如今差老僧下界。度托他明心見性。皈依正道。他兩箇若肯早省悟呵。也不費老僧心力。若不肯回心向道呵。老僧這場魔障。非同小可。今日便索向江都縣。化作一風魔和尚。去度托他去也。〔下〕〔旦同卜兒上云〕自家陶媽媽的便是。有箇女兒。樂名小桃紅。生得十分顏色。諸般樂器皆能。是這揚州江都縣上廳行首。家中留了箇員外姓劉。聰明標致。廣有金資。與我女兒。堪爲配對。琴瑟和諧。魚水相同。昨

夜員外多飲了兩盞酒回去了。今日敢較來的遲些。梅香。門首看者。員外來也。
〔正末扮風和尚上云〕那摩那摩那摩佛。衆生不肯早修福。桃花相見不相知。
劉郎相逢不相熟。不相熟。一點靈光明似燭。照得三千世界中。覓取桃花功行
足。自家惠禪師的便是。世間人見我風魔。喚我做風和尚。今日遊方來到揚州
江都縣。先到這上廳行首小桃紅家。討一盞茶喫。看他動靜是如何。〔做與旦
卜相見科〕〔旦云〕那里走將這箇和尚來。風風魔魔。怎看他顏勢。梅香。教他
喫盞茶回去。〔末云〕小桃。你休在此迎新送舊。跟我出家修行去來。〔旦云〕好
笑。這風和尚。說的甚麼話。〔末云〕俺佛家出生死之地。離苦樂之途。試聽我說
咱。〔末唱〕

〔子模〕賞花時〕佛祖西來意甚隆。怎當這俗世愚迷理不通。都則爲貪花酒
逞英雄。不悟你浮生一夢。萬事轉頭空。〔外扮員外上云〕自家姓劉。名景安。
家中有兩貫錢鈔。人喚我做劉員外。常在這鳴珂巷陌。相伴着上廳陶行首。今

日來的遲了些。入得門來。見這箇風和尚。大姐。你怎生不趕他出去。〔旦云〕趕不出去。他胡說亂道。要我出家修行。〔末笑云〕員外。你也索跟我修行去來。〔外云〕溜兒便趕出去。你是和尚。來此有甚勾當。〔末云〕我單爲要你做箇行者。小桃做箇道伴。因此而來。〔末唱〕

〔么〕你若肯合眼在禪床坐裏窮。便得箇撒手在毘盧頂上逢。〔外云〕你教我參禮箇甚的。〔末唱〕我教你參公案禮禪宗。〔外云〕我怎生下得撇了小桃。〔末唱〕便休再貪歡顧寵。自教你風月兩無功。〔外拖末下衆云〕今日攪的酒也喫不成散了罷。這風和尚明日再來。打上一頓推出去。〔衆下〕
〔旦同卜上云〕自從那日被那風和尚來攪了一會。說了些禪語。誰待聽他。這幾日俺員外怕他又來。只喚我去他家唱去。今日員外生辰。俺須索去走一遭。〔下〕〔末上云〕自家是風和尚。自從半月前。就瓦子裏見了劉員外陶行首。此二人迷花戀酒。未知幾時度托的他回心向道。今日是員外生辰。不免將些

茶餅上門。再去勸他一回。想這花門柳戶。做弟子勤兒的好是難省呵。〔下〕

〔外引溜兒上云〕今日小子生辰之日。設筵在庭。不見小桃來。溜兒門首看者。

〔末上云〕來到員外門首。不知那妮子在也不在。我試將他寸道家風。敷演一回。先勸的員外醒時。後度小桃。未是遲也。〔外做與末相見科〕〔外云〕這風和尚尋到這裏來打攪。溜兒與他一頓齋喫。教他回去。〔末云〕貧僧特地而來。度托員外。試聽我勸你三言兩句。你休迷戀小桃也呵。〔末唱〕

〔仙呂點絳脣〕他有那雨態雲情。柳星花聖。生長下隨娘姓。烟月門庭。都是些陷子弟深坑穽。〔外云〕我曾與小桃說定。取他爲妻。怎比烟月門庭。求食妓女。〔末唱〕

〔混江龍〕你待要寸絲爲定。怎當他藏瓶無底秤無星。聽了那歌喉宛轉。看了那舞態輕盈。做女的喜恰恰粉腮邊攢笑靨。做娘的冷清清鼻凹裏帶冬凌。你便有晉潘安容貌。曹子建聰明。張昌宗俊俏。楚宋玉才能。漢相

如學問。唐李靖豪英。石季倫富庶。蘇子瞻聲名。似牧之狂蕩。賽尾生實誠。你道是不憑錢贍表得成歡。握空拳入馬和他併。〔末云〕似這等說的。我都不信。〔末唱〕都則是編作唇齒。賣弄風情。〔外云〕和尚。你說的差了。小桃與我真心陪伴。憑着小子標致聰明。那裏在那錢鈔上。〔末云〕員外。你休胡說。〔末唱〕

〔油葫蘆〕我則理會得鈔廣錢多便得成。戀鶯花休太逞。他都是錦營花陣裏啜人精。他將那唧唧世世的甜話兒引起你涎涎答答的興。可可喜喜的俊龐兒想的你懨懨尖尖的病。丰丰韻韻兜的你情內忒。拍拍惜惜攻的你心上疼。暗地裏摩挲着檀棍十分硬。那做子弟的。便是銅腦袋鐵天靈。〔天下樂〕敲着的昏迷喚不醒。你便多能。索自省。娘爲着板障女設些誓盟。他則愛村馮魁鈔貫兒青。那裏問俏雙郎。詩句兒清。走上那販茶船連夜行。〔外云〕和尚。你又道的差了。蘇小卿既是要嫁馮魁呵。怎肯金山寺題詩。又

到豫章城還就了雙生。這是當初被他老虔婆愛錢。來嫁了他。不關他事。
〔末唱〕你便休將此話認真。那弟子的虛脾假意。聽我數說一遍。
〔末唱〕

〔那吒令〕假言清行清。囑付下金山寺衆僧。算前程後程。埋怨他麗春園柳青。實心誠志誠。嫁與了茶船上那生。既和他共枕眠。既和他同衾甯。早難道紅粉無情。

〔鵲踏枝〕若不到豫章城。趕上蘇卿。順着那兩岸蘆花。千里帆輕。打聽的雙通叔除授了臨川縣令。他又道惺惺的還惜惺惺。
〔末云〕他這等門戶。你休落他坑塹。
〔末唱〕

〔寄生草〕性格似浮萍蕩。心腸如柳絮輕。水晶毯滑出律情無定。錦套頭軟厮禁人難掙。肉招牌明的溜心先倖。他更有截長補短的釘人釘。掂斤抹兩的稱人秤。
〔旦同卜上云〕來到員外宅中。怎生這風和尚又在此處。兀的不攪煞人也。俺回去來。
〔外做留旦科〕〔外云〕大姐。你看這和尚甚麼顏勢。他

勸我收心出家。那裏將這話來。〔卜云〕你和尙家不去寺裏念經。來俺人家攪甚麼。〔卜做與末揪擗科〕〔旦云〕風和尙。俺雖是箇行院。到不似你這般風狂模樣。〔末云〕你的風狂是不似我。聽我說咱。〔末唱〕

〔么〕你欠他桃花債。他隨你流水情。都一般飄蕩在風塵徑。一般迷戀着風光興。一般迤逗下風流證。你道是三春風景客情多。爭如我一天風露禪心靜。〔外云〕俺富豪之家。正好享榮華快樂。每日家吹彈歌舞。受用一世。你待要我出家。怎生便得成佛。〔末云〕你但肯棄了小桃。跟我寺中去。打些勤勞。我自有的度。你成佛的道理。〔外云〕這風和尙。你要我跟你出家去。等你成佛了時。我恰修行。〔末云〕等我成佛去後。誰肯來明你心性。〔末唱〕

〔六么序〕只爲你迷真性。你不肯早修行。戀風塵悞却前程。每日家月館風亭。柳聖花星。相伴着傾國傾城。有一日冷清清翠被餘香剩。夢撒了鰲的撩丁。紙湯瓶搨動霜紈柄。使不得你情忒意熱。智巧心靈。〔外云〕你

則顧絮絮叨叨說箇甚的。我一世不聽你說的話。你果然是箇風和尚。呆和尚。

〔末唱〕

〔么〕我勸你須聽。休道是呆僧。您自索論評。早悟來生。一念真誠。玉潔冰清。跳出深坑。脫離籍名。但到俺臨濟曹山戶庭。了冤業出死生。〔旦云〕俺員外正青春年少。每日家歡歡喜喜地。有甚麼了冤業出死生。〔卜云〕他來與俺員外慶壽哩。〔末云〕你這弟子每。這等不肯收心呵。〔末唱〕你則待悄悄冥冥。燕燕鶯鶯。休賣弄千戰千贏。直教那馬蹄踏遍殘紅徑。急回頭白髮星星。看了這兩輪日月相催併。早尋箇迴光返照。葉落風清。〔旦云〕俺員外將我厮敬厮愛。氣兒也怕呵着我哩。你箇風和尚。到來這里數說我一篇。〔末云〕你這粧旦色的。傲慢那郎君子弟。猶可恕些。今時又有一等小弟子每。樂藝不能。也在花胡同裏。恣意過稱。你試聽我說咱。〔末唱〕

〔金盞兒〕有一等恰班行。他又早強過稱。小曲兒唱不得箇叨叨令。也向

那花街柳陌逞風情。常則是擲包兒爲帥手。背板凳慣曾經。那里會高歌金縷慢。妙舞翠盤輕。〔卜云〕這風和尚。將俺花白着罵這一場。告員外官人。着件當每來。打上一頓。趕出去者。〔外云〕他一箇風和尚。惹他怎地。與他一盞酒喫了。教他去。〔卜帶唱把盞與末科〕〔末背旦云〕大姐跟俺寺裏去來。〔外做撒噴科〕〔外旦卜做打末科〕〔末唱〕

〔醉扶歸〕你則待席上施威令。酒後逞驍能。抵多少贏得青樓薄倖名。惡狠狠來爭競。打的箇圓頂方袍老僧。送了殘生命。〔末云〕小桃。你忘了武陵溪畔舊知情。呆賤人。就你身上。勸你幾句咱。〔末唱〕

〔金盞兒〕晚風輕。曉霞蒸。則你那色迷劉阮天台徑。你也曾武陵溪畔舊知情。幾番迎笑臉。兩遍潑風聲。看了你夢隨桃葉渡。那里也花重錦官城。〔末云〕小桃。我知你來蹤去路。聽我說咱。〔末唱〕

〔二半兒〕你便休水流花謝兩無情。休等的顛倒蒼苔落絳英。你箇嬌艷

小桃休太逞。不把我好言聽。你莫不一半兒昏迷一半兒醒。〔旦云〕這和尚喫俺打了這一頓。你再改了那口。休罵人。〔末云〕你便打了我。也不怕你。員外。你再聽我數說他幾句。〔末唱〕

〔金盞兒〕都是些老妖精。更合着小胡伶。捉郎君似碗裏拿蒸餅。你將那一分錢買一分情。你則待金銀成塊砌。他將那恩愛等盤兒秤。送了些兔羔兒新子弟。野味兒慌書生。〔外云〕我的生辰。要喫些酒。被這風和尚。打攪了。一日。溜兒與我趕出他去。閉了門。後堂中筵席去來。〔外卜旦同下〕〔末唱〕

〔賺煞尾〕罷。罷。罷。愚迷心勸不回。沈醉魄呼不應。則他那春夢穩猶然未醒。跳不出平康巷琉璃砌就井。尙兀自強追陪柳送花迎。紫雲亭乳燕嬌鶯。他道是靜悄悄禪房爭如他綉幃景。他則待花留故情。那里也酒淘真性。則怕他一生在花酒悞了前程。

〔衆扮鼓腹謳歌村田樂上開一折了〕〔衆下〕〔外引溜兒上云〕劉景安自去

年娶了陶行首作伴。一年光景。家中十分興旺。城南置了莊田十頃。如今正是農忙時月。我須索自去巡看一遭。家中喚大嫂出來。分付他兩句話。〔做喚旦科〕〔做與旦相見科〕〔外云〕大嫂。我去一日。到晚方回家。怕有去年那風和尙來時。閉了門。不要放他家來。〔旦云〕我在家不妨事。你去路上撞見他時。休被他哄了。就與我一頓打死者。〔外云〕如今便去也。〔旦云〕我也送員外出門。〔同下〕〔末上云〕某乃是惠禪師。去年蒙佛法旨。來度劉員外陶行首。不曾勸得他省。今番只除是顯些神通妙用。方可度托得此二人回心向道。我想這佛祖慈悲。衆生迷惑。不肯修行。幾時是那得托輪迴也呵。〔末唱〕

〔南呂一枝花〕六塵無患身。一笑拈花頌。三乘歸正覺。五派說禪宗。佛祖家風。棒喝交馳猛。這的是黃蘗臨濟功。〔末云〕世間衆生。好是不省呵。〔末唱〕撇不下亂紛紛世事千般。掃不盡鬧穰穰塵緣萬種。

〔梁州第七〕三十三天。光音天生居快樂。四百四病風流病。醫藥難攻。則

我這眼前魔障高堆壅。也是他宿生冤業。今世遭逢。每日家花濃酒醺。倚翠偎紅。閃的那天台路有影無踪。却來這玄都觀再笑春風。他則待紅馥馥向春光艷冶妖嬈。他則待黑婁婁貪春睡癡呆懵懂。全不肯百惺惺悟春心。別透玲瓏。見如今暖烘。艷容。有一日枝枯葉落成何用。直等的晚風寒曉霜重。一樹鉛華總是空。冷落三冬。〔末云〕今日趁着劉員外莊兒上去了。我來到這城南小溪邊。折一蘆葉。化作一隻船。將我錫杖。化作一梢公。等他回來。就這船上。好歹先度了劉員外也。〔末做咒叱科〕〔淨扮梢公上云〕〔外上云〕今日城外莊兒上走了一遭。看了耕種回來。不覺晚了。到得小溪邊。風雨又大。怎生得箇渡船過去也好。〔做與末相見科〕〔外云〕一年不見他了。冤家路兒窄。怎生在這裏。又撞着這風和尙。〔末云〕你看這溪水東流。桃花亂落。你不回心。再等何時。〔末唱〕

〔隔尾〕員外。你流竭錦水三生夢。飄盡紅香一陣風。〔外云〕你這風和尙

聒煞人。誰聽你的話。怎生走在城外。也撞見你。莫是箇風神道麼。〔末唱〕不把我風神厮知重。〔末云〕員外。你看這水。〔末唱〕我怕你滔滔向東。那小桃開殘。玉容。你不怕捲地東風夜來猛。〔外云〕天色晚了。到這溪邊。怎生得箇渡船過去。〔末云〕兀的不是渡船。俺一同過去來。〔做喚船科〕〔末云〕員外。今番委的度了你也。〔末唱〕

〔牧羊關〕員外。向漁船上。便如在佛筏中。布帆輕滿。棹清風。轉一灣綠水。揉藍。映兩岸。青山翠擁。〔外云〕大嫂分付我。撞見風和尚。打死他。今日在船上。正好推他落水。〔外做推末科〕〔末云〕疾。〔外跌倒科〕〔外就做睡科〕〔末云〕我就教他這船上大睡一覺。與他一夢境。勸他回心。〔末唱〕就着他昏睡裏。還遣他入花叢。我教他沈磨兒推折了捍。藏瓶兒摸着箇空。

〔末云〕疾。〔淨末虛下〕〔旦上云〕劉員外。一去了三日不來家。俺娘教我接下箇江西茶客。今日安排酒請他。〔貼淨扮江西客人上云〕我二人喫酒。恐怕劉